

# Sierra njuolggadusat bearráigeahččanlávdegotti ovddasvástádus- ja bargosuorgái

## § 1 Sámedikki bearráigeahččanlávdegoddi

Bearráigeahččanlávdegotti organiseren, bargamušat ja ovddasvástádus čilgejuvvo Sámedikki čoahkkinnortnegis § 14 ja § 15.

## § 2 Bearráigeahččanlávdegotti bargamušat

Bearráigeahččanlávdegoddi galgá fágalaš vuoduin doaimmahit parlamentáralaš bearráigeahču ja stivrenberráigeahču iskamiin ja čielggademiin áššebeliid, árvoštallat daid ásahuvvon eavttuid ja ortnegiid ektui, ja čujuhit vejolaš boasttuvuođaid ja váilevašvuođaid.

Bearráigeahččanlávdegottis dahje sis geasa Bearráigeahččanlávdegoddi lea fápmudan válddi, lea dievaslaš vuogiatvuohtha beassat oaidnit Sámedikki dokumeanttaid, rapporttaid ja sullasaččaid.

## § 3 Bearráigeahččanlávdegotti bargovuogit

Bearráigeahččanlávdegoddi galgá barggustis:

1. Láhčit saji rabas digaštallamii gos moaitámuš čilgejuvvo ja vuodustuvvo.
2. Láhčit saji digaštallamii Sámedikki orgánain
3. Geahččalit garvit bellodatpolitihkalaš beliid.

Bearráigeahččanlávdegoddi galgá álo árvoštallat bearráigeahččanbarggu viidodaga daid vejolašvuođaid ektui ahte gávdat boasttuvuođaid ja váilevašvuođaid.

Iskkademiid čađaheapmi bearráigeahču ja gulaskuddamiid várás sáhtta dušše čađahit dain áššiin, mat leat mearriduvvon galget formálalaččat meannuduvvot Bearráigeahččanlávdegottis. Iskkademiid čađaheami oktavuodas galgá ráhkaduvvon mandáhta mas bargamuš boahtá čielgasit ovdan.

## § 4 Bearráigeahččanlávdegotti áššiid ovddideapmi

Bearráigeahččanlávdegoddi sáhtta earenoamáš áššiin ovddidit mearrádusevttohusa sierra áššin dievasčoahkkimii. Muđui áššit ovddiduvvot jahkedieđáhusa bokte, gč § 5 nr. 1. Mearrádusevttohus galgá sáddejuvvo áirasiidda dan áigemearis mii lea mearriduvvon čoahkkinnortnega paragrafas 21.

## § 5 Bearráigeahččanlávdegotti jahkedieđáhus

Bearráigeahččanlávdegoddi galgá juohke jagi ráhkadit jahkedieđáhusa maid ovddida dievasčoahkkimii. jahkedieđáhus galgá sáddejuvvo áirasiidda dan áigemearis mii lea mearriduvvon čoahkkinnortnega paragrafas 21, ja das galget čuovvovaš fáttat leat mielde:

1. Konkrehta áššit maid Bearráigeahččanlávdegoddi lea meannudan, oktan Bearráigeahččanlávdegotti mearrádusevttohusain dakkár áššiin mat eai leat leamaš ovddiduvvon sierra áššin dievasčoahkkimii, gč § 4.
2. Lisat mii čájeha dollojuvvon čoahkkimiid ja čađahuvvon barggaid.
3. Mearkkašumit Sámedikki jahkerekketdollui.
4. Mearkkašumit Sámediggeráđi čoahkkingirjjiide, dás maiddái doarjagiidda ja juolludemiide.
5. Mearkkašumit Sámedikki váiddalávdegotti čoahkkingirjjiide.
6. Mearkkašumit riikarevišuvnna rapporttaide.
7. Vejolaš ávžžehusat olggobealde bearráigeahččan- ja revišuvdnaorgánaide ahte lagabui geahčadit dihto beliid.

8. Plána das maid Bearráigeahččanlávdegoddi áigu lagabui bearráigeahččat boahhtevaš jagi .
9. Daid iskkademiid válddahus mat leat čađahuvvon § 6 vuodul.

### § 6 Bearráigeahččanlávdegotti mearrádusat

Daid áššiid oktavuodas, maida ii gusto § 5, mearrida Bearráigeahččanlávdegoddi čoahkkimis go áigu:

1. Čađahit ovdaiskkademiid.
2. Formálalaččat meannudišgoahhtit ášši.
3. Čađahit gulaskuddamiid.

Bearráigeahččanlávdegoddi sáhhtá maiddái dahkat mearrádusa:

1. Doallat dárbbaslaš čoahkkimiid
2. Bidjat johtui iskkademiid mat mielldisbuktet bálvalusaid oastima.

Mearrádusat dahkkojuvvojit dábalaš eanetloguin. Sihke evttohus ja Bearráigeahččanlávdegotti mearrádus galget čállojuvot beavdegirjái.

### § 7 Bearráigeahččanlávdegotti iskkadeamit

Ovdalgo Bearráigeahččanlávdegoddi čađaha iskkadeami, de dieđihuvvo Sámediggeráđđi dahje vejolaččat Dievasčoahkkinjođihangoddi.

Bearráigeahččanlávdegoddi galgá geahččat bearrái ahte ášši lea čuvgehuvvon nu bures go vejolaš. Bearráigeahččanlávdegoddi háhká daid dieđuid maid dat atná deatalažžan.

Čilgehusat mat leat addojuvvon Bearráigeahččanlávdegoddái, galget sihkarastojuvvot duhtadeaddji láhkai.

Earret go jus Bearráigeahččanlávdegoddi mearrida eará iešguđet ássis, de eai leat dat čoahkkimat ja ságastallamat mat čađahuvvojit oassin iskkadeamis, rahpasat álbmogii.

Iskkadeapmi loahpahuvvo raporttain. Raporta lea almmolaš ja das galgá leat válddahuvvon dat ášši mii lea čielggaduvvon, ja das galgá boahhtit ovdan mo Bearráigeahččanlávdegoddi lea árvvoštallan ášši.

### § 8 Bearráigeahččanlávdegotti gulaskuddamat

Bearráigeahččanlávdegoddi sáhhtá čađahit gulaskuddamiid oassin iskkadeamis § 7 vuodul. Son guhte gohččojuvvo gulaskuddamiid, mearrida ieš áigu go vástidit bearráigeahččanlávdegotti gažaldahkii.

Earret go jus eará lea mearriduvvon, de galgá gulaskuddan leat rabas. Bearráigeahččanlávdegoddi mearrida dábalaš eanetloguin galgá go gulaskuddan ollásit dahje muhtun muddui čađahuvvot gitta uvssaid duohken. Bearráigeahččanlávdegoddi sáhhtá dušše gitta uvssaid duohken váldit vuostái jávohisvuodageatnegas dieđuid.

### § 9 Sin vuoigatvuodát, geaidda ášši guoská

Bearráigeahččanlávdegoddi galgá barggustis bearráigeahččat ahte fuolahuvvojit sin vuoigatvuodát, geaidda ášši guoská. Dajaldagain “sii, geaidda ášši guoská” oaivilduvvo olbmot, organisašuvvnnat dahje ovtastusat geaidda Bearráigeahččanlávdegotti bargu guoská.

Bearráigeahččanlávdegoddi galgá láchit dilálašvuoda dasa ahte sii, geaidda ášši guoská, ožžot vejolašvuoda ovddidit cealkámuša.

Sii, geaidda ášši guoská, galget ávžžuhusa vuodul oazžut daid dieđuid main lea mearkkašupmi sin iežaset dillái, earret go jus dakkár dieđut sáhhtet vahágahttit iskkadeami dahje goalmmát beali.

Ovdalgo Bearráigeahččánlávdegoddi geige raporttas, de galgá juohkehaš geasa iskkadeapmi guoská, oazžut dieđu das mo iskkadeami boađus guoská sutnje.

Sis, geaidda ášši guoská, lea vuoigatvuohta oazžut veahki iskkadeami buot muttuin.

## § 10 Jávohisvuođabággu

Hálddašanlága njuolggadusat jávohisvuođabákku birra gustojit seamma láhkai Bearráigeahččánlávdegotti lahtuide. Jávohisvuođabággu gusto maddái maŋŋá go iskkadeapmi lea loahpahuuvon.

Juohkehažžii gii čađaha barggu Bearráigeahččánlávdegotti ovddas dahje eará láhkai oazžu dieđuid lávdegottis, gusto jávohisvuođabággu seamma láhkai go Bearráigeahččánlávdegotti lahtuide. Go Bearráigeahččánlávdegoddi čađaha iskkademiid, de sáhtta iskkadeami mandáhtas mearriduvvot ahte láhkageatnegahttojuuvon jávohisvuođabággu, lagabui mearriduvvon viidodagas, ii galgga gustot sutnje gii addá čilgehusa dahje eará láhkai addá dieđuid Bearráigeahččánlávdegoddái.

Ášši meannudeapmi loahpahuuvui 6.6.2013 dii. 09.58.